

Konselhu Justisa Ambiental (EJC)

Riunion #16

26 di Sitenbru, 2024

Lokal: North Shore Community College in Lynn located at 300 Broad Street, Lynn, MA, 01901.

6:30 p.m. ti 8:00 p.m.

Atas di Riunion:

Lokal di Riunion: Pisoalmenti

Dokumentus di Riunion: [Ajenda](#), [Slides](#)

Menbrus di kumison prizenti:

- Madeline Fraser Cook
- Marcos Luna (Pisualmenti)
- Peter Maathey
- Patricia Spence
- Jen Salinetti
- Kalila Barnett (Pisualmenti)
- Melissa Ferretti
- Sofia Owen (Pisualmenti)

Funionárius i Inerjia i Asuntus Ambiental (EEA) ta aprizenta:

- María Belén Power, Subsikritária di EJC (Pisualmenti)
- Caroline Lemoine, Diretora Adjunta di EEA
- Jonathan Guzman, Diretor di EEA (Prizensial)

Funionárius prizentis di Fish and Game Dipartment:

- Kumisáriu Tom O'Shea
- Subsikritária di Ambienti Stephanie Cooper

Otus Partisipantis Inpurtanti:

- Mayor Nicholson
- Senator Crighton
- Riprizentanti Daniel Cahill

1. Benvindu i Vizon Jeral di Lojistikas di Riunion

Kecil John da un vizon jeral di logístika di riunion, ki ta inklui uzu di kaxa di perguntas i rispostas (Q&A) i disponibilidadadi di intérprius. María Belén Power da benvindu pa tudu partisipantis.

2. Vizon Jeral di AJenda

María Belén Power riviziona agenda di riunion.

3. Xamada di Prizensa/Aprovason di Atas di Riunion Antirior

María Belén fazi un xamada di prizensa di menbrus di EJC. Na inísiu di riunion, staba prizentis siguintis menbrus di konselhu: **Kalila Barnett, Madeline Fraser Cook, Melissa Ferretti, Marcos Luna, Peter Maathey, Sofia Owen, Jen Salinetti, Patricia Spence.**

Siguintis menbrus di kumison ka staba prizenti: **Cheryll Holley, Caroline Hon, Namrita Kapur, Lydia Lowe, Ari Zorn, i Miles Gresham.**

María Belén abri riunion pa un moson di aprovason di ata di riunion antirior. **Marcos Luna** aprizenta un moson di aprovason. **Patricia Spence** aprova moson. Tudu menbrus di Conselho prizenti aseita ata, ku ixseson di **Sofia Owen**, ki se abstevi pa ka ten stadu prizenti na riunion antirior.

Benvindus di Prizidenti Nicholson

Prizidenti di Kâmara Nicholson da benvindu pa partisipantis i ispresa sé gratidon pa EJC. Prizidenti Nicholson sublinha inpurtânsia di dar prioridadi pa justisa ambiental i pa linpeza di King's Beach.

Benvindus di Senator Crighton

Senador Crighton fala sobri disizons di uzu di tera au longu di stória ki leba inpakitus ambiental i di saúdi públiku, ki ta inklui inisiativas industrial ki ta rizulta na aumentu di taxas di asma i duensas kardíaku. Senador Crighton salienta inpurtânsia di administrason Healey Driscoll pa sigura kriason di un sistema di transportis asesível i linpu, ki ta inklui risenti iletrifikason di konboius di linha Fairmont.

Benvindu di Riprizentanti Cahill

Riprizentanti Cahill da benvindu pa partisipantis i agradezi EJC. Riprizentanti Cahill fala di inpurtânsia di intendi inpakitu di kistons ambiental na zonas rural i urbanus.

4. Primeru Seson Públiku di Perguntas i Rispostas

Partisipantis públiku tantu virtual komu prizensial, fazi kumentáriu, perguntas i sujistons.

- Un partisipanti virtual, un Urban Forestry Fellow di sidadi di Lynn, sublinha inpurtânsia di ekuidadi di árvoris i di kopa di árvores urbanus na sidadi di Lynn. Partisipanti partilha sé webpage, www.lynnincommon.com/urban-forestry, ki inklui informasons sobri sés inisiativas risenti.
- Un partisipanti prizensial sujiri uzu di parkis solar kumunitáriu komu un opson asesível i ikunómiku di poupanza di inerja pa menbrus di kumunidadi ki ta vivi na apartamentus.

5. Aprizentason di Dipartamentu di Peska i Kasa

Kumisáriu Tom O'Shea, falador konvidadu, fazi un aprizentason sobri **Objetivus di Biodiversidadi i Planu Stratéjiku di Dipartamentu pa Massachusetts**. Tom fala ki justisa ambiental sta prugramadu pa ser núkleo di trabadju atual na Dipartamentu, ki ta inklui riprizentason na un novu Planu Stratéjiku di Sinku-Anu ki ta interseta biodiversidadi, klima i justisa ambiental. Tom aprizenta objetivus di justisa ambiental pa Dipartamentu: kapasidadi riforsadu, ekuidadi avansadu, midjor asesu pa natureza i diálogo konsistenti ku tribus. Tom aprizenta un panorâmika di Orden Izekutivu n.º 618, ki ta stabilesi objetivus di biodiversidadi, ki ta inklui jiston i pruteson di abitats, rikuperason di ekosistemas i ligason di rizidentis pa natureza.

Menbrus di Konselho pergunta sobri kordenason entri Department of Fish and Game i otus entidadis pamodi natureza izekutiva di ordi i agradezi Kumisáriu pa trabadju ki sta fazedu.

Faladora konvidada, **Subsekretária di Anbienti Stephanie Cooper**, fala di **Prioridadis di Dipartamentu na Lynn**. Stephanie fala sobri un variedadi di projetus di infra-struturas i di ristorason di natureza ki sta kontisi na sidadi - ki ta inklui Lynn Harbor Park, King's Beach, Northern Strand Trail, Lynn Heritage State Park i DCR Willis Fishing Pier.

Menbrus di Konselho fazi perguntas sobri manutenson au longu prazu, normas di linpeza stóriku i prusesu di kontrolu di distribuison jeográfiku di fundus.

6. Sigundu Seson Públiku di Perguntas i Rispostas

Partisipantis, tantu virtual komu prizensial, fazi kumentárius i sujistons. Partisipantis di Salem i Taunton inkuraja EJC pa vizita sés sidadis i organizasons.

Kumentárius di di Q&A (perguntas i rispostas) sta listadu di baxu

#	Pergunta	Nomi di Rikirenti	Risposta
1	Ami é un Konseleiro Jeral li na Lynn i sta pensa si ten algun asistênsia téknika ta kontisi lokalmenti ku sidadi pa djuda entra na kaminhu di midjoria ku inisiativas ambiental? Spisifikamenti, inisiativas ku inerjia eólíka ou inerjia solar, modi ki sta kontisi na Salem?	Nicole McClain	Nu ta da rispostas pa email

7. Próximus Pasus i Fin

María Belén lenbra menbrus di konselho di data di próximu riunion, **14 di Nuvembru, na Taunton**. Alén di keli, **Sofia Owen** pergunta sobri situason di riunions di grupus di trabadju. **María Belén** ta da siguimentu pa kel kiston li pamodi ristrisons di Lei di Riunions Aberu. **María Belén** akolhi sujistons di EJC pa futurus temas di riunion. **Melissa Ferretti** rikumenda Kumison di Asuntus Indíjenas pa fala di Stratégia Tribal EJ, **Jen Salinetti** rikumenda ridifinison di prioridadis i regresu pa finalizason di difinison EJ, responsabiliza ajensias. **María Belén** da benvindu pa menbrus di konselho pa és dizinvolvi prioridadis individual pa, na último análisis, ditirmina prioridadis partilhadu pa realiza.

María Belén pidi un moson pa tirmina riunion. **Patricia Spence** propoi suspenson di riunion. **Melissa Ferretti** akorda. Riunion tirmina **8:03 pm**.